

Ai 6 di Avrîl si tignaran lis celebracions dal aniversari de nassite dal stât patriarcjâl anche se cualchidun al à cirût di fermâ dut. » DI CHRISTIAN ROMANINI

A distance di cualchi setemane dal pôc edificant teatrîn lât in sene sui bancs dal Consei regionâl in place Oberdan a Triest, in ocasion de discussion che e à istituzionalizât cun leç regionâl la Fieste dal Friûl, a Cividât te di di Pascute, ai 6 di Avrîl, si tignaran lis celebracions anuâls dal aniversari de firme de bole imperiâl che e à fat nassi il stât patriarcjâl ai 3 di Avrîl dal 1077.

Si, parcè che, intant che triestins e cualchi furlan che al faseve l'antifurlan plui dai triestins par cirî di fermâ la leç acusantle di meti in pericol la 'unitât regionâl', la machine organizative che ogni an e sielç un país intune des tîr provinciais di Gurize, Pordenon e Udin e jere za in vore pe cerimonie cividine.

Di fat e sarâ propit la citât che e à dât il non al Friûl, za capitâl patriarcjâl dopo di Aquilee, la sede uffiâl de fieste 2015, sot de regjie de Provincie di Udin, l'ent che tai ultins agns plui si è impegnât par sostignî une iniziative nassude pe volontât di cualchi idealist tai agns subit dopo dal taramot, coordinade dal istitût ladin furlan 'pre Checo Placerean' e cu la colaborazion di tancj ents publics, associazions e citadins furlans. E cul svicinâsi de date, propit il president **Pieri Fontanini** al à volût tornâ a quartâ la atenzion anche su la cuistion dal messâl par furlan che in mò al è fer a Rome e che al stente a jessi aprovât.

Ma tornant ae fieste, intant



Friûl in fieste e pâs pal teatrîn

che cualchidun si domande dal parcè di une celebrazion uffiâl, cence impensâsi che no si trate di semplice nostalgjie, ma che la identitât furlane, fate anche di lenghe, e je tra i elements di fonde de specialitât regionâl, simpri plui in pericol, al vâl la pene di ricuardâ ce che al diseve l'impuantant architet catalan Antoni Gaudì (chel de Sagrada Familia di Barcelone) e che al è ripuartât sul tradizional fassicul stampât pe ocasion de Provincie di Udin "la modernitât e je la capacitât di tornâ a pensâ al passât".

APONTAMENT A CIVIDÂT

L'apontament a Cividât al è pes 9.45 e il program al previôt

la messe celebrade par furlan e la leture de bole imperiâl firmade dal imperadôr Indrî IV che al deve il podê temporâl al so fedêl ami il patriarcje Siart. Cun di plui, par dute la zornade a son proviodudis visitis ai monuments e ai sîts di Cividât e iniziativais culturâls, comprindude chê dal truc, il zûc tradizional de Pasche cividine.

Par plui informazionis su lis iniziativais di Cividât o podês lâ sul sît dal comun www.civida-le.net e invezit sul sît de Provincie www.provincia.udine.it pal program dai apontaments in gjenerâl che al larà indevant par dut il mès di Avrîl.



ilfriuli@ilfriuli.it

UNIVERSITÂT FURLANE Taule taronde sui dirits linguistics

La Universitât di Udin e Ldarà acet ae prime taule taronde 'Friûl@Europe' che e viodarà la partecipazion di **Alberto Felice De Toni, Marina Brollo, Franco Jacop, Isabella De Monte, Marco Zullo, Claudio Cresati, Roberto Dapit, Marco Stolfo, Lorenzo Fabbro, Ksenija Dobrila, Alfredo Sandrini, Carli Pup e Gianni Torrenti.**

L'apontament par fevelâ di dirits linguistics e Europe al è duncje par vinaris ai 27 di Març aes 14.45, li de la sale Florio (vicul Fiorio 1) de sede dal Retorât dal Ateneu furlan.

La taule taronde e ven fate propit cuant che in chei dîs achî a Rome si à tornât a inviâ il dibatit pe ratifiche de Cjarte europeane des lenghis minoritariis e regionâls, norme europeane che la Italie e à firmât za tal 2000.

Pe ocasion al sarâ presentât il libri "Lingue, diritti, cittadinanza - Languages, rights, citizenship. Friuli-Venezia Giulia, Italia, Europa, Mediterraneo".

SCOLTADIS DI DRIUS

Miôr de gorne

Ultime aluvion a Martignâ. Marie a Jacum: "Se les nestrîs gornis e glotessin tant di te no varessin vude l'aghe te cantine."



radio
fantasy
fm

la radio tra la gente

www.radiofantasy.it

UDINE | VENETO ORIENTALE FM 90.700
PORDENONE FM 95.800

GORIZIA FM 89.100
TRIESTE FM 89.100

PAULARO FM 107.700
TOLMEZZO FM 101.600

SMS: 393 00 90700
diretta@radiofantasy.it
TEL. +39 0431 30022